

之第以 中宮未寧也

三月戊午朔傳曰中宮病勢危急欲避於外移御何如政院啓曰此非他證產後所發恐不可移御也○夜一更北方有氣如火四更東方亦然○己未是日三更五點 中宮尹氏昇遐即 傳于政院曰事至於此罔知所為喪葬諸事宜即治之都承旨孫仲暉同副承旨許硯啓曰臣等亦罔知所為安有如此事乎請 命召大臣及禮曹判書共

議喪事○以鄭光弼為三都監檢護使以兵曹判書申用凝禮曹判書金詮右叅贊李繼孟為殯殿都監提調軍器寺正李偉尚衣院正尹世豪司僕寺正成雲吏曹正郎蘇世讓禮曹正郎潘碩枰戶曹佐郎申承澤為郎廳右贊成張順孫吏曹判書朴說戶曹判書高荊山為國葬都監提調濟用監正柳仁貴內資寺正金硯軍器寺副正曹浩議政府舍人成世昌弘文館副應教洪彥弼繕工監僉正李苞工曹正郎李元和禮曹佐郎鄭應麟等為郎廳知中樞府事安潤德柳冊年南袞為山陵都監提調司宰監正具之慎宗簿寺正尹世霖繕工監副正李蕃內贍寺副正朴期壽司宰監副正朴聯孫尚衣院僉正李閭兵曹正郎任樞刑曹正郎李萬孫申瀚承文院校理延九齡等為郎廳○鄭光弼等啓